

ORDENANZA FISCAL Nº 2

IMPOSTO SOBRE ACTIVIDADES ECONÓMICAS

ARTIGO 1º.- ESCALA DE COEFICIENTES.

En virtude do disposto no artigo 88 da Lei 39/1988, modificado pola Lei 51/2002, do 27 de decembro, de reforma da Lei reguladora das facendas locais, o Concello de Carballo establece un único coeficiente, que será o UN (1,00)

ARTIGO 2º.-

No non previsto nesta Ordenanza, será aplicable o previsto na nova Lei 39/1988, e demais normativa que a complementa e desenvolve.

ARTIGO 3º.-

Corresponde a Inspección do Imposto sobre Actividades Económicas, para os suxeitos pasivos por cota municipal, ó Concello de Carballo.

ARTIGO 4º.- EXENCIÓN DA LEI 49/2002.

Estarán exentas do IAE, as entidades sen fins lucrativos polas explotacións económicas ás que se refire o artigo 7 da Lei 49/2002, do 23 de decembro, do réxime fiscal das entidades sen fins lucrativos e dos incentivos fiscais ó mecenazgo, que, nembargantes, estarán obrigada a cumprir os deberes formais de alta e baixa no imposto. Para desfrutar da exención, as ditas entidades deberán comunicar ó Concello, antes da data do devengo do imposto, a opción regulada no artigo 14.1. da Lei 49/2002.

ARTIGO 5º.- BONIFICACIÓN POR FOMENTO DO EMPREGO.

1.- Segundo o previsto no art. 88.2.e) do Real decreto legislativo 2/2004, do 5 de marzo, polo que se aprobou o Texto refundido da Lei reguladora das facendas locais, este Concello establece a bonificación de ata o 95 % sobre da cota tributaria do imposto a favor dos suxeitos pasivos que tributen por cota municipal e desenvolvan actividades económicas de especial interese municipal, por concorrer circunstancias que poñan de manifestó a creación de emprego, naqueles supostos nos que se implante unha nova actividade económica ou empresarial, ou que supoñan unha ampliación das súas instalacións preexistentes sempre e cando tal ampliación implique a creación de emprego.

2.- Dado que a presente bonificación é análoga á prevista no art. 11.1.1.A) da Ordenanza Fiscal nº 4 deste Concello, reguladora do Imposto sobre construcións, instalacións e obras, estarase, a efectos da concesión da mesma, aos mesmos requisitos, referidos á acreditación da creación de emprego, previstos na mesma, e, xa que logo, á porcentaxe de bonificación que se acede segundo a puntuación total que, segundo o orzamento de execución das obras ou instalacións, e o número de postos de traballo creados, se outorgue á actividade económica ou empresarial aos efectos da bonificación no ICIO, e ao seu medio de solicitude e xustificación. A bonificación limitarase á cota

municipal sobre do inmovible de nova construción ou ampliación, non se extendendo a outros establecementos que teñan cota tributaria separada polo imposto do suxeito pasivo dentro do termo municipal.

3.- A solicitude da bonificación no ICIO suporá que se teña por solicitada a bonificación no Imposto sobre Actividades Económicas, polo que se estará aos requisitos de solicitude previstos no ICIO. A tramitación será conxunta, polo que non procederá solicitar a bonificación no IAE se non se ten solicitado a bonificación por fomento do emprego local prevista no ICIO.

4.- A bonificación no IAE surtirá efectos a partires do exercicio seguinte ao do remate das obras ou instalacións obxecto de bonificación no ICIO, e perdurará durante os TRES primeiros exercicios de exercicio da actividade. A mesma é simultaneable con calquera outra bonificación do IAE.

5.- O acordo de concesión da bonificación corresponderá ao Pleno da Corporación, que acordará, simultáneamente, o dereito ao seu disfrute coa tramitación da bonificación no ICIO e no IBI.

6.- Os novos postos de traballo creados que deran dereito á concesión do presente beneficio fiscal deberanse manter durante os tres períodos impositivos de duración da bonificación. De se mermar a plantilla durante o devandito período, perderase o dereito a seguir disfrutando da bonificación. A tal efecto, o suxeito pasivo deberá acreditar, a requerimento desta entidade local, os empregados existentes ao inicio da actividade e durante todo o período do beneficio fiscal. De se producir reducións de plantilla, o suxeito pasivo estará obrigado a poñelo en coñecemento desta entidade no prazo de UN MES desde que se tivese producido a redución.

7.- A perda do dereito á bonificación surtirá efectos no exercicio fiscal seguinte á súa produción.

DISPOSICIÓN TRANSITORIA.-

Os suxeitos pasivos do imposto que teñan concedido, dentro dos últimos catro anos anteriores á entrada en vigor da modificación da presente Ordenanza, pola introducción do beneficio fiscal contido no artigo 5 da mesma, terán dereito á aplicación retroactiva, no Imposto sobre Actividades Económicas, durante os tres primeiros exercicios de inicio da actividade, do beneficio fiscal establecido na mesma porcentaxe que se lles tivera recoñecido no ICIO, de se manter o dereito a aquela bonificación, e de se seguir cumprindo, durante os devanditos exercicios, os requisitos previstos no artigo 5, polo que procederá, no seu caso, a devolución de ingresos previa solicitude ao efecto do suxeito pasivo.>>

DISPOSICIÓN DERROGATORIA.-

Queda derogada a anterior redacción da Ordenanza Fiscal nº 2, reguladora do Imposto sobre Actividades Económicas. Non se establece ningún outro contido potestativo có aquí recollido.

DISPOSICIÓN DERRADEIRA.-

Ó abeiro do previsto na Disposición Transitoria Quinta da Lei 51/2002, a presente Ordenanza Fiscal entrou en vigor o día primeiro de xaneiro de 2003, con carácter excepcionalmente retroactivo segundo o permitido no dito precepto, sempre que a súa aprobación definitiva se produza antes do día 1 de abril de 2003.

DILIXENCIA.-

Aprobación: Pleno ord. do 28/01/2003. B.O.P. nº 72, do 28/03/2003.

O artigo 5 e a Disposición Transitoria son modificacións aprobadas polo Pleno da Corporación en sesión ordinaria do 29/01/2018, publicado o acordo da súa aprobación definitiva no B.O.P. nº 86, do 08/05/2018, e entraron en vigor o 09/05/2018.